

Tuzla, 08.10.2024
Br. protkola: KP-II- 476/24
Br. Javnog poziva: 10-FM-2/2024

PROGRAM PODRŠKE MLADIMA **Fond za mlade**

Javni poziv za podršku projektima omladinskih organizacija i neformalnih grupa mladih

Fondacija tuzlanske zajednice (u daljnjem tekstu: Fondacija) poziva omladinske organizacije i neformalne grupe mladih da predlože projekte koji će omogućiti mladima da se aktivno uključe u aktivnosti i kreiranje sadržaja za dobrobit zajednice i unapređenje položaja mladih u Tuzlanskom kantonu.

U partnerstvu sa USAID-om, u okviru programa „Snaga lokalnog“, Fondacija objavljuje Javni poziv za dodjelu finansijske podrške projektima mladih sa područja Tuzlanskog kantona.

Podrška se realizuje kroz projekat „Naša zajednica je naša odgovornost“ koji ima za cilj da osnaži lokalne organizacije i lokalne inicijative koje zbližavaju građane i podstiču ih na samoorganizovanje, participaciju i inkluzivnost u rješavanju konkretnih problema u svojim lokalnim zajednicama, naseljima, gradovima i cijeloj državi.

CILJEVI FONDA:

- Osnaživanje kapaciteta mladih u svim sferama njihovog djelovanja;
- Osnaživanje mladih na samostalno donošenje odluka i djelovanje u lokalnoj zajednici;
- Osnaživanje omladinskog sektora kroz jačanje programskih i organizacionih kapaciteta omladinskih organizacija;
- Uspostavljanje međusektorskih partnerstava i promovisanje važnosti uloge civilnog sektora i građanskih inicijativa u razvoju zajednice.

KO MOŽE APLICIRATI?

1. Registrovana udruženja mladih sa područja Tuzlanskog kantona (Član 4. Zakona o mladima FBiH, Stav 2.*);
2. Neformalne grupe mladih od minimalno 5 aktivista, sa najmanje 3 punoljetna člana sa područja Tuzlanskog kantona (Član 4. Zakona o mladima FBiH, Stav 1.**)
3. Organizacije civilnog društva čiji su programski ciljevi primarno usmjereni prema mladima (odrasle osobe mogu pomoći u realizaciji, ali projekat moraju voditi isključivo mladi_ Član 4. Zakona o mladima FBiH, Stav 1.**).

*Član 4., Stav 2. Zakona o mladima FBiH – „ „omladinsko udruženje" označava udruženje čije članstvo i organe upravljanja čine dvije trećine (2/3) mladih, čije su aktivnosti i statutarne djelatnosti većinom usmjerene na mlade, a koje se osniva, registruje, djeluje i prestaje postojati u skladu sa zakonom na osnovu kog je registrirano“;

* Član 4., Stav 1. Zakona o mladima FBiH – „ „omladina" ili "mladi" su osobe u životnoj dobi od navršanih 15 do navršanih 30 godina starosti“;

ROK ZA PRIJAVU

Račun kod ProCredit banka dd Sarajevo Filijala Tuzla:
Račun kod NLB Tuzlanska banka dd Tuzla:
ID broj: 4209601750008

KM 1941041108202154; EUR 1941041108201281
KM 1321002007074926; EUR 1321010239462307
Šifra djelatnosti: 94.99



Poziv za prijem aplikacija otvoren je **od 08.10. do 14.11. 2024. godine.**

VAŽNO!

Sredstva iz ovog Javnog poziva ne uključuju troškove poreza na dodanu vrijednost (PDV). Iznos poreza na dodatnu vrijednost (PDV-a) snosi pravno lice/korisnik granta, te za sredstva pravdana grantom Fondacije tuzlanske zajednice može ostvariti pravo na povrat PDV-a od Uprave za indirektno oporezivanje. Shodno navedenom, aplikanti su obavezni da, prilikom popunjavanja budžeta projekta, unose isključivo cijene i vrijednosti robe bez PDV-a (neto) i na taj način kreiraju planirani budžet projekta.

Sva pravna lica, koja dobiju grant kroz Fond za mlade, stavke budžeta pravdaju samo neto iznosima računa.

ŠTA PODRŽAVAMO?

- Inovativne projekte iz različitih područja društvenog života koji odgovaraju na potrebe lokalne zajednice i kojima se direktno utiče na poboljšanje položaja mladih;
- Projekte koji promovišu građanski aktivizam i volonterizam i zasnovani su na volonterskom angažmanu aplikanata i promociji međusektoralne saradnje;
- Projekte koji su usmjereni na rješavanje konkretnog i prioritetnog problema u lokalnoj zajednici ili zadovoljenje određene potrebe u zajednici;
- Projekte koji pokazuju vidljivu saradnju i podršku lokalnih partnera u zajednici - posebno lokalnih vlasti, ali i poslovnih subjekata, udruženja, pojedinaca, javnih institucija itd.
- Projekte koji su usmjereni na smanjenje trenda odlaska mladih iz BiH.

OPŠTI KRITERIJI:

- Projekti moraju **trajati duže od 1 mjesec**;
- Implementacija projekata mora biti **završena najkasnije do 31.07.2025.godine**, bez mogućnosti produžetka za utrošak sredstava ili završetak projektnih aktivnosti nakon navedenog datuma;
- **Minimalna vrijednost** tražene podrške/granta je **3.000,00KM (iznos bez PDV-a)**;
- **Maksimalna vrijednost** tražene podrške/granta je **6.000,00KM (iznos bez PDV-a)**;
- Učešće aplikanata u projektu mora iznositi **najmanje 30% od vrijednosti potraživanog iznosa** (učesće može biti učesće u novcu, učesće u robi i uslugama i učesće kroz volonterski rad);

NAPOMENA:

- *Prednost će se dati projektima koji uključuju veći broj građana iz lokalne zajednice, posebno mladih, u realizaciju projekta;*
- *Aplikanti mogu aplicirati samo sa jednim projektom na ovaj poziv;*

DETALJNI KRITERIJI FONDA ZA MLADE:

LINK: [Fond za mlade – ciljevi i kriteriji \(fondacijatz.org\)](http://fondacijatz.org)



KAKVE PROJEKTE PODRŽAVAMO?

Shodno rezultatima istraživanja [Vitalni znaci 2019.](#), prednost dajemo projektima koji su usklađeni sa prioritarnim potrebama lokalnih zajednica u Tuzlanskom kantonu, te izazovima na globalnom nivou definisanim [UN Globalnim ciljevima održivog razvoja](#). U okviru ovog poziva, želimo podržati projekte koji potiču inovativna međusektoralna partnerstva i koji će unaprijediti slijedeće oblasti življenja:

- *Očuvanje prirode, briga o okolišu i klimi;*
- *Kvalitetno obrazovanje i cjeloživotno učenje;*
- *Smanjenje nejednakosti i ljudska prava;*
- *Ekonomija i poduzetništvo*
- *Očuvanje zdravlja, sport i rekreacija*
- *Kultura, umjetnost i društveni život*
- *Podrška mladima, djeci i porodici*

(više u Kriterijima „Fonda za mlade“: [Fond za mlade – ciljevi i kriteriji \(fondacijatz.org\)](#)).

KAKO APLICIRATI?

Aplicirati možete isključivo putem [platforme za online apliciranje \(fondacijatz.org\)](#) koja se nalazi na web stranici Fondacije tuzlanske zajednice. Preporuka svim aplikantima je da prvo pročitate detaljne informacije i upute za popunjavanje online aplikacije i kriterije koji se nalaze na web stranici Fondacije: [Fond za mlade – početna \(fondacijatz.org\)](#).

Nakon što online aplikacija bude prihvaćena, aplikant će dobiti potvrdu o prijemu na mail. Nakon uvida u projektnu aplikaciju od strane grant tima, aplikant će putem e-maila dobiti **potvrdu prijema - pdf dokument ispunjene aplikacije, koji su aplikanti dužni u roku od 7 radnih dana dostaviti (potpisan i ovjeren), na adresu Fondacije: Pozorišna 13, 75000 Tuzla (lično ili poštom).**

Ukoliko vam je potrebna podrška prilikom razrade ideje i/ili ispunjavanja online aplikacije možete se obratiti direktno u kancelariju Fondacije tuzlanske zajednice, na brojeve telefona 035/362-830/831 i 061/206-935 ili putem mail-a: inicijative@fondacijatz.org sa naznakom: **„Fond za mlade - JAVNI POZIV 10 – FM –2/2024“.**

Formalno registrovane organizacije, pored potpisane/ovjerene aplikacione forme, dužne su dostaviti i sljedeću dokumentaciju:

- *rješenje o registraciji* - samo za aplikante koji prvi puta apliciraju Fondaciji (kopija),
- *statut Udruženja* - samo za aplikante koji prvi puta apliciraju Fondaciji (kopija),
- *finansijski izvještaj za prethodnu godinu* - bilans stanja i bilans uspjeha (kopija),
- *dokaz o otvorenom žiro računu u banci* - instrukcije za plaćanje (kopija),
- *izjavu/e o partnerstvu* - ako se radi o partnerskim projektima (original).

Finansijska podrška projektima mladih neće biti dodijeljena

- projektima koji su nepotpuni,
- projektima koji pristignu nakon navedenog roka
- projektima koji ne budu dostavljeni na gore navedeni način
- projektima za koje se dostave prijave na neodgovarajućim obrascima.



USLOVI ZA DODJELU FINANSIJSKE PODRŠKE

Aplikanti su dužni omogućiti grant timu Fondacije da, prije dodjele granta, izvrši procjenu rada i poslovanja organizacije u prethodnom periodu. Ovakva procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga. Samo organizacije koje zadovolje proces ove procjene mogu dobiti novčanu podršku.

Nakon zatvaranja Javnog poziva, aplikacije se prezentuju nezavisnoj građanskoj Komisiji za odabir projekata za podršku. Komisija će prilikom procjene projektne prijedloge ocjenjivati po slijedećim kriterijima:

- | | |
|---|---------------------------|
| - <i>relevantnost u odnosu na teme poziva (kvalitet ideje)</i> | <i>20% ukupne ocjene,</i> |
| - <i>relevantnost u odnosu na ciljne grupe (uticaj projekta na mlade)</i> | <i>20% ukupne ocjene,</i> |
| - <i>jačanje omladinskih organizacija i civilnog sektora</i> | <i>25% ukupne ocjene,</i> |
| - <i>uticaj na vlasti i zajednicu</i> | <i>15% ukupne ocjene,</i> |
| - <i>budžet i relevantnost troškova</i> | <i>20% ukupne ocjene.</i> |

Svi aplikanti će biti pismeno obaviješteni o odlukama Komisije, bez obzira da li je odobrena podrška ili ne.

Po finalnom odabiru projekata i objavljivanju rezultata na web stranici Fondacije, biti će otvoren rok za žalbe u trajanju od 7 radnih dana. Pravo na žalbu imaju svi aplikanti koji nisu zadovoljni svojom pozicijom na objavljenoj rang listi. Žalba će biti riješena u što kraćem roku od strane menadžmenta Fondacije.

POTPISIVANJE UGOVORA

Po isteku žalbenog roka, aplikanti čiji projekti budu odabrani za podršku će potpisati Ugovor o dodjeli granta sa Fondacijom tuzlanske zajednice i tako postati korisnici grant sredstava.

Neformalne grupe koje dobiju podršku za svoj projekat će realizovati aktivnosti tako što će sva plaćanja za troškove nastale u toku trajanja projekta plaćati direktno Fondacija, a dužnost neformalne grupe je da pripremi predračune i dostavi ih Fondaciji.

Ukoliko se projekat realizuje u školi ili drugoj odgojno-obrazovnoj ili javnoj ustanovi, uslov za prebacivanje finansijskih sredstava biti će dostavljanje odobrenja/saglasnosti za implementaciju projektnih aktivnosti potpisanog od strane nadležnog organa.

Jasna Jašarević,
direktorica Fondacije tuzlanske zajednice